

Буюк Британиянинг 2020 йилдаги энг фаол масжиди



14:26 / 12.12.2020 2408

Буюк Британиядаги «Maidenhead» масжиди 12 декабрь шанба куни Британиянинг энг яхши масжидларини танлаш маросимида иштирок этди. Бу ҳақда Maidenhead Advertiser сайти хабар берди.

Ушбу масжид Англияда 2020 йилги «Бекон» масжиди мукофотида реклама хизматлари жиҳатидан энг яхши масжидлардан бири сифатида танланган учта Британия масжидларидан бири бўлган.

Гарчи ушбу масжид танловда ғолиб деб эълон қилинмаган бўлса-да, масжиднинг ишончли вакиллари ва кўнгилчилари бу йилги меҳнатлари билан фахрландилар.

Масжид мамлакат бўйлаб карантин бошланганида, шаҳарнинг заиф қатламлари учун озиқ-овқат пакетларини етказиб беришни бошлаган. Кўнгиллилар иштирокида жадал ривожланиб борган лойиҳа бир неча ой ичида муҳтожларга 3000 дан ортиқ озиқ-овқат пакетларини етказиб берди. Кейинчалик масжид Қироллик жамғармаси ва Беркшир тумани ассоциацияси билан ҳамкорликда соғлиқни сақлаш ва ижтимоий хизматларни ҳам тақдим этди.

(Masjid Beacon) - бу ном дунё бўйлаб масжидларни стандартларига кўра тартиблайдиган ва шу кунгача дунё миқёсида 1000 дан ортиқ масжидларнинг рейтингини тузган компания номи.

British Beacon Mosque Awards мукофотлари Green Lane масжидини 2020 йилги энг яхши Британия масжиди деб топди.

Хуршид Маъруф тайёрлади